

”Naqqiissut – Naalakkersuisut siunnersuutaannut 10. august 2010-meersumut taarsiissuttaa-soq”

Uunga siunnersuut: Sanaartorfissagissaaneq, pisortat kuuffeqarfinnut aqqusersuutaat aamma pisortat aqqusiniutaat pillugit Inatsisartut inatsisissaattut siunnersuut nr. xx, dd.mm.2010-imeersoq

Kapitali 1.
Siunertaq atuuffissaalu

§ 1. Inatsisartut inatsisaat manna sumiiffinni sanaartorfingineqanngitsuni sanaartorfingineqarsimasunilu sanaartorfissagissaanermut atuuppoq, aammalu sanaartorfissagissaanernut, kommuninit aqunneqartunut akiliutissanik akiliisarnermut aalajangersakkanik aalajangersaaffiulluni.

§ 2. Pisortat kuuffeqarfinnut aqqusersuutaat aamma pisortat aqquserni pisuinnarnullu aqqusernit Inatsisartut inatsisaanni aalajangersakkani pineqartunut ilaapput.

Kapitali 2.
Taaguutit

§ 3. Sumiiffimmi sanaartorfissagissaaneq Inatsisartut inatsisaanni matumani paasineqassaaq tassaasoq sumiiffik, nunap nunallu ilusaata suliarineratigut, assersuutigalugu kuuffeqarfiersuilluni aamma aqqusinniorluni, illuliorfiguminarsarneqartoq imaluunniit kommunimut pilersaarummut naapertuuttumik allatut atoruminarsarneqartoq.

Imm. 2. Suliffeqarfiiit pilersuisuusut matumani paasineqassaaq tassaasut suliffeqarfiiit innaallagissamik, imermik kiassarnermillu pilersuisuusut.

§ 4. Pisortat kuuffeqarfii matumani paasineqassaaq tassaasut aqqusersuutit matoqqasut, imermik igitassamik immamut kuuffittut atorneqartut aammalu kommunimit aqunneqartut.

Imm. 2. Imeq igitassaq Inatsisartut inatsisaanni matumani paasineqassaaq tassaasoq imaq sunaluunniit najugaqarfinnit, suliffeqarfinnit illunillu allanit kuutsinneqartoq.

Imm. 3. Nassuaassutit uku tunngavigalugit kuuffeqarfiiit kuuffinnut pingaarnernut aamma kuuffinnut ikkuffinnut immikkoortinnejqassapput:

1) Kuuffimmi pingaarnermi ataatsimi illut marluk amerlanerusulluunniit sullinneqartut, illut tamarmik immikkut ingerlatsivittut immikkoortuuppata, imaluunniit illut marluk amerlanerusulluunniit ataatsimut ingerlatsivittut immikkoortuuppata, kisiannili illutaat illoqatigiinnut ataatsinut ilaanggippata.

2) Kuuffimmuit ikkuffimmi illu ataaseq ingerlatsivittut immikkoortutut ataatsitut immikkoortoq, imaluunniit illut amerlanerusut, illut taakku ingerlatsivimmuit ataatsimut immikkoortuuppata, illoqatigiinnullu ataatsimoortunut ilaappata.

§ 5. Pisortat aqquserni matumani paasineqassaaq tassaasut aqqusernit sumiiffiillu nalinginnaasumik tamanut ammasut aammalu kommunimit aqunneqartut.

Imm. 2. Pisortat pisuinnarnut aqquserni matumani paasineqassaaq tassaasut aqquernit nalinginnaasumik pisuinnarnut sikkilertunullu angallaviusut, aammalu kommunimit aqunneqartut.

Kapitali 3.
Kuuffeqarfinnut aqqusinernullu oqartussaasut

§ 6. Naalakkersuisut kuuffinnut aqquzinernullu pingaarnertut oqartussaaasuupput.

Imm. 2. Kommunalbestyrelsi najukkami kuuffeqarfinnut oqartussaaffimmik ingerlatsisuuvoq, aammalu kommunip killeqarfiaita iluani illuliorfiusimasuni pisortat kuuffeqarfutaanik nutaanik pilersaarusrornermut sanaartornermullu, aammalu kuuffeqarfinnik pingaarnernik ingerlatsinermut aserfallatsaaliuinermullu akisussaaasuulluni.

Imm. 3. Kommunalbestyrelsi najukkami aqquzinernut oqartussaaffimmik ingerlatsisuuvoq, aammalu kommunip killeqarfiaita iluani illuliorfiusimasuni pisortat aqquzinutaannik pisuinnarnullu aqquzinutaannik nutaanik pilersaarusrornermut sanaartornermullu, kiisalu aqquzinernik ingerlatsinermut aserfallatsaaliuinermullu akisussaaasuulluni.

Imm. 4. Najukkami oqartussaaneq pillugu Naalakkersuisut maleruagassiorsinnaapput, tak. imm. 2-3, taakkununngalu pilersaarusrornermut, ingerlatsinermut aserfallatsaaliuinermut, naatsorsuutinik saqqummiussisarnermut il.il. piumasaqaatit ilaapput.

Kapitali 4.

*Kuuffeqarfinnut aqquzinernullu pitsaassuserititassat nalinginnaasut aamma nalunaarsuiffiit
Piginnaatitsissut*

§ 7. Pisortat kuuffeqarfutaannik aamma pisortat aqquzinutaannik sanaartornissamut, aserfallatsaaliuinissamut ingerlatsinissamullu maleruagassanik malitassanillu Naalakkersuisut aalajangersaasinnaapput, taakkununnga ilanngullugit annertussusiliinissamut, atortunik toqqaanissamut, isumannaallisaanissamut, pitsaassuserititassanut nalinginnaasunut, suliaqarnissamut il.il. piumasaqaatit.

Nalunaarsuiffiit

§ 8. Asiaq, Kalaallit Nunaanni Misissueeqqaernerit, qitiusumik nalunaarsuiffimmik, kuuffeqarfinnut aqquzinernullu paasissutissanik nunallu assinginik aqutsisuovoq, aammalu ilaatigut kommuninit nalunaarutit, ilaatigullu nammineerluni sumiiffimmi nakkutilliinermigut nalunaarsuiffinnik iluarsiisarnini tunngavigalugit nalunaarsuiffimmik isumaginnittuulluni.

Imm. 2. Kommunit pisussaapput kuuffeqarfinni taamatullu aqquzinerni sanaartukkut nutaat, allanngortitsinerit, matusinerit allannguutillu annertuut allat pillugit, qitiusumik nalunaarsuiffiit iluarsineqarnissaat siunertalarugu Asiaq-mut ingerlaavartumik ilisimatitsisassallutik, tak. imm. 1.

Imm. 3. Asiaq pisinnaatitaavoq, qitiusumik nalunaarsuiffimmit imm. 1-imi taaneqartumit paasissutissanik nunallu assinginik tunniussinermut akiliisitsissalluni.

Imm. 4. Kuuffeqarfinnik aqquzinernillu qitiusumik nalunaarsuiffimmik suliaqarnissamut iluarsiisarnissamullu Naalakkersuisut maleruagassiorsinnaapput.

Kapitali 5.

*Sanaartorfissagissaanermut aalajangersakkat ataatsimoorussat
Sanaartofissagissaanermik aallartitsineq*

§ 9. aqquisornerit suulluunniit, pisortat aqquzinutaanni assaanissamik pisariaqartitsiviusut kommunalbestyrelsi assaanissamut akuersissuteqareertinnagu aallartinneqassanngillat. Taamaattorli iluarsaassilluni sulinerit utaqqitinneqarsinnaanngitsut akuersissummik immikkut peqqaarnani suliarineqarsinnaapput, tamanna pillugu nalunaaruteqarneq tamatuma kingorna piaartumik kommunalbestyrelsimit pisimappat.

§ 10. Nunaminertat sanaartorfigineqarsimannngitsut illuliorfissatut atorneqarnissaat imaluunniit kommunimut pilersaarummut naapertuuttumik siunertanut allanut atorneqarnissaat siunertaralugu sanaartorfissagissaanermik communalbestyrelsi aallartitsisinhaavoq. Tamatuma saniatigut sumiiffimmi nunaminertami tamakkiisumik ilaannaasumilluunniit sanaartorfissagissaqarsimasumi sanaartorfissagissaanermik ilassutaasumik communalbestyrelsi aallartitsisinhaavoq.

Imm. 2. Imm. 1 naapertorlugu sanaartorfissagissaanermi communalbestyrelsi suliffeqarfimmut pilersuisuusumut ataatsimut amerlanerusunulluunniit isumaqatigiissuteqareernermigut aqqusersuusersuinernik, nalinginnaasumik suliffeqarfinnit pilersuisuusunit ataasiakkaanit isumagineqartartunik tamakkiisunik ilaannaasunilluunniit aallartitsisinhaavoq. Aqqusersuusersuinerit naammassinerini suliffeqarfifit pilersuisuusut ataasiakkaat pilersuinermi aqqusersuutit pineqartut ingerlanneqarneranni aserfallatsaaliorneqarnerannilu akisussaaffimmik tigusissapput.

§ 11. Inuit, sullissiviit imaluunniit ingerlatseqatigiiffit sumiiffimmi nunaminertamik sanaartorfissagissaarneqanngitsumik ataatsimik amerlanerusunilluunniit atuinissamut pisinnaatitaaffeqartut, nammineerlutik akilikkaminnik sanaartorfissagissaanissaq, nalinginnaasumik communalbestyrelsimit suliffeqarfinnillu pilersuisuusunit suliarineqartussaq pisariaqartinneqartoq tamakkiisumik ilaannaasumilluunniit suliarityssinnaavaat.

Imm. 2. Illunik, sumiiffimmi tamakkiisumik sanaartorfissagissaarneqanngitsumi piginnittut nammineerlutik akilikkaminnik sanaartorfissagissaanissaq, nalinginnaasumik communalbestyrelsimit suliffeqarfinnillu pilersuisuusunit suliarineqartussaq pisariaqartinneqartoq tamakkiisumik ilaannaasumilluunniit suliarityssinnaavaat.

Imm. 3. Imm. 1 aamma imm. 2 naapertorlugit sanaartorfissagissaanerit, tassungalu ilanngullugit sanaartorfissagissaanissamut teknikkikkut aningaasaqarnikkullu piumasaqaatit, aallartinneqannginnerini communalbestyrelsimit aamma suliffeqarfinnut pilersuisuusunut sanaartorfissagissaanermi kalluarneqartussanut isumaqatigiissutigineqarsimassapput akuerineqarsimassallutillu. Sanaartorfissagissaanerup naammassinerani sanaartorfissagissaanerit immikkoortui ataasiakkaat suliffeqarfinnut pilersuisuusunut kalluarneqartunut tunniunneqassapput, tamatumalu kingorna aqqusersuutit pingarnerit il.il. ingerlanneqarnerinut aserfallatsaalineqarnerinullu akisussaaffik taakkunannga tiguneqassaaq.

Akiliutit

§ 12. Inuit imaluunniit ingerlatseqatigiiffit sumiiffimmi sanaartorfissagissaarneqarsimasumi nunaminertamik atuinissamut pisinnaatitaaffimmik pissarsisut sumiiffimmi sanaartorfissagissaanermut akiliuteqassasut communalbestyrelsip kommunimut pilersaarummi aalajangersinnaavaa.

Imm. 2. Imm. 1 naapertorlugu akiliutissat agguassinissamut malitassaq, communalbestyrelsip kommunimut pilersaarummi aalajangersarsimasa, imaluunniit imm. 4-miit 7-imut maleruagassat naapertorlugit akiliutissatut nalinginnaasutut aalajangersarsinnaasa ikiortigalugu naatsorsorneqarsinnaavoq.

Imm. 3. Imm. 2 naapertorlugu agguassinissamut malitassaq ikiortigalugu naatsorsuinermi, agguassinissamut malitassaq, sumiiffimmi sanaartorfissagissaanermut aningaasartuutinit tamarmiusunit, kommunip sanaartorfissagissaanerit ilaannut akiliussigallarnerinik, suliffeqarfimmut pilersuisuusumut ataatsimut amerlanerusunulluunniit isumaqatigiissut naapertorlugu kommunip utertissimasaanik imaluunniit nunap karsianiiit sanaartorfissagissaanermut tapiissutisiarisimasaanik ilanngaaserneqartunit amerlanerusussaannngitsunik aningaasartaqartinneqartoq atorneqassaaq.

Sanaartorfissagissaanermut aningaasartuutinut tamarmiusunut sumiiffimmi sanaartorfissagissaanermut aningaasartuutit toqqaannartumik attuumassuteqartut kisimik ilanngunneqarsinnaapput, taakkununnga ilaapput aqutsinermut, pinngitsaaliisummik taarsiissutitalimmik pigisanik piginnikkunnaarsitsinermut, pilersaarusiornermut, sanaartornermut, nakkutilliinermut il.il. aningaasartuutit.

Imm. 4. Inissiaqarfinni illunik ilaqtariinnut ataatsinut inissianik, illunik affarleriinnik, illunik uiguleriinnik/illunik uigulukuttunik assigisaannilluunniit ataatsimoortunik illatalinni imm. 1 naapertorlugu akiliutissaq, kommunimi tamarmi imaluunniit illoqarfiiit aalajangersimasut iluanni, illoqarfiilluunniit ilaanni imaluunniit nunaqarfinni immikkoortumut ataatsimut akiliutitut ataatsimoorussatut nalinginnaasutut atuutsinneqartoq tunngavigalugu aalajangerneqarsinnaavoq.

Imm. 5. Inissiarsuarni inissianut imm. 1 naapertorlugu akiliutissaq, kommunimi tamarmi imaluunniit illoqarfiiit aalajangersimasut iluanni, illoqarfiilluunniit ilaanni imaluunniit nunaqarfinni inissianut ataasiakkaanut akiliutitut ataatsimoorussatut nalinginnaasutut atuutsinneqartoq tunngavigalugu aalajangerneqarsinnaavoq.

Imm. 6. Illuni imm. 4-mi aamma 5-impi pineqartunut ilaannngitsuni, imm. 1 naapertorlugu akiliutissaq, kommunimi tamarmi imaluunniit illoqarfiiit aalajangersimasut iluanni, illoqarfiilluunniit ilaanni imaluunniit nunaqarfinni inini quleriimni kvadratmeterimut akiliutitut ataatsimoorussatut nalinginnaasutut atuutsinneqartoq tunngavigalugu aalajangersarneqarsinnaavoq.

Imm. 7. Imm. 4-miit 6-imut akiliut nalinginnaasoq kommunimut pilersaarummi imaluunniit kommunip ileqqoreqqusaanni nalunaarutigineqarsimassaaq. Akiliutip nalinginnaasup aningaasartassaasa angissusilerneqarnissaat eqqarsaatigalugu sanaartorfissagissaanermut akiliut, communalbestyrelsip sumiiffinni assingusumik ilusilimmi sanaartorfissagissaanermut akiliutissatut nalinginnaasutut imm. 3 malillugu naatsorsorlugu aalajangersaanissaatut, sumiiffinni assingusuni kommunip ukiuni kingullerni pingasuni sanaartorfissagissaanermut aningaasartuutit inaarutaasumik naatsorsorsimasaasa agguaqatigiissinneqarnerinit annerutinnagu aammal sanaartorfissagissaanermut aningaasartuutinut tunngavissaq malillugu akinut iluarsiinertalerlugu aalajangerneqassalluni.

§ 13. § 10, imm. 2 naapertorlugu kommuuni sanaartorfissagissaanermik ilassutaasumik aallartitsippat, sumiiffimmi nutaanik sanaartortoqarnerani, aamma sanaartukkat kuuffeqarfimmut pingarnermut atassuserneqarnerini ilassutaasumik sanaartorfissagissaanermut akiliuteqartitsisoqassasoq communalbestyrelsi kommuuni ileqqoreqqusani aalajangiisimnaavoq.

Imm. 2. Imm. 1 naapertorlugu akiliutissaq § 12, imm. 2-miit 7-imut maleruagassat naapertorlugit aalajangersarneqassaaq.

§ 14. §§ 12-13-imi aalajangersakkat naapertorlugit akiliutissamik akiliuteqartitsisarnissamut piumasaqaatit communalbestyrelsip aalajangersassavai, taakkununngalu sumiiffimmi sanaartorfissagissaanermi aningaasartuutit inaarutaasut naatsorsorneqareernerini akiliutip iluarsineqarsinnaaneranut piumasaqaatit ilaatinneqarput.

Imm. 2. Inatsisartut inatsisaata matuma atuutilernerata kingorna sumiiffimmi 1. januar 1998 sioqqullugu sanaartorfissagissarneqarsimasumi sanaartornermi, imaluunniit Inatsisartut inatsisaata matuma atuutilernerata kingorna sumiiffimmi 1. januar 1998 sioqqullugu pisortat kuuffeqarfiniik pilersorneqarsimasumi attaviliinermi akiliuteqartitsisoqassanngilaq, kommuuniut imaluunniit sumiiffimmut pilersaarummi atuuttumi, Inatsisartut inatsisaata matuma atuutilernerera sioqqullugu nalunaarutigineqarsimasumi akiliummik akiliisitsisarnermut allanik aalajangersaasoqarsimannngippat.

Naatsorsuutit

§ 15. Sanaartorfissagissaanermut aningaasartuutit inaarutaasumik akilerneqarsimasut pillugit kommunalbestyrelsi ukiumoortumik naatsorsuusiussaaq.

Imm. 2. Kommunimi sanaartorfissagissaanermut naatsorsuusiortnermut maleruagassanik Naalakkersuisut aalajangersaasinnaapput.

Pinngitsaaliisummik taarsiissutitalimmik pigisanik piginnikkunnaarsitsisarneq

§ 16. Tamanut iluaqutaasussat eqqarsaatigalugit pisariaqartinneqarpat, kommunalbestyrelsi pisortat kuuffeqarfiinik aamma pisortat aqquserninik sanaartornissaq siunertaralugu pinngitsaaliisummik taarsiissutitalimmik pigisanik piginnikkunnaarsitsiniarnermik aallartitsisinnaavoq.

Imm. 2. Pisortat kuuffeqarfiinik aamma pisortat aqquserninik sanaartornissaq siunertaralugu pinngitsaaliisummik taarsiissutitalimmik pigisanik piginnikkunnaarsitsiniarnermik aallartitsineq, pinngitsaaliisummik taarsiissutitalimmik pigisanik piginnikkunnaarsitsisarneq pillugu Inatsisartut inatsisaanni maleruagassat malillugit ingerlanneqassaaq.

Imm. 3. Isumaqtigiissut pillugu isumaqtigitiqarsinnaanngippat, taarsiissutissat pinngitsaaliisummik taarsiissutitalimmik pigisanik piginnikkunnaarsitsisarnermut ataatsimiitaliamit aalajangerneqassapput, aammattaaq tak. taarsiissutitalimmik pigisanik piginnikkunnaarsitsisarneq pillugu Inatsisartut inatsisaanni maleruagassat.

Kapitali 6. *Kuuffeqarfinnut attaviliisarneq*

§ 17. Pisortaqaarfiit kuuffeqarfiutaat taamaallaat imermik igitassamik kuutsitsinermut atugassatut aalajangerneqarsimapput. Taamaallaat pisuni immikkut ittuni aamma taamaallaat siumoortumik kommunalbestyrelsimit akuersisummik piniareerneremi imeq sialummit, aputip aanneranit imaarsaanermilu pinngortoq pisortat kuuffeqarfiutaasigut kuutsinnejqarsinnaavoq.

§ 18. Illuut pisortat kuuffeqarfiutaasa inissismaffiinut inissinneqarpat imaluunniit inissismappat, piginnittut kikkulluunniit illuutip kuuffeqarfiinik pisortat kuuffeqarfinnut pingaarnernut attaviliinissamut pisinnaatitaapput.

Imm. 2. Imm. 1 naapertorlugu attaviliinermi kuuffeqarfiup pingaernerup pitsaassusia atorneqarneratalu annertunerulernissaa tunngavigalugu naammaginartumik atorsinnaanissaa, aammalu illuutip kuuffeqarfiisa kommunalbestyrelsimit akuerineqarsimanissaa piumasarineqarpoq.

§ 19. Kuuffeqarfimmut attavimmik sananissamut allanngortitsinissamullu akuersissut kommunalbestyrelsimit, aammattaaq suliap ingerlanneqarnerani nakkutilliisuusussamut piniarneqassaaq. Taamatuttaaq illuummi attavilerneqarsimasumi erngup igineqartartup suussusia annertussusialu annertuumik allanngortinneqassappat, tamanna sioqqullugu kommunalbestyrelsip akuersissutaanik piniartoqaqqaassaaq.

Imm. 2. Kommunalbestyrelsi kuuffimmut ikkuffinnik, kingusinnerusukkut ataatsimik amerlanerusunilluunniit kuuffeqarfittut pingaernertut atorneqartussanik akuersissuteqarnerminni, kuuffeqarfiup maleruagassat, kuuffeqarfinnik pingaernernik sananermi malinneqartussat malillugit sananeqarnissaa piumasarisinnaavaat.

Imm. 3. Kuuffinnut ikkuffit kuuffeqarfinnut pioreersunut attavilerneqarsinnaapput, imm. 2 naapertorlugu kuuffeqarfimmik piginnittup tamanna akuerrippagu. Tassanili imm. 2

naapertorlugu kuuffeqarfik pingarneq pineqarpat, kuuffeqarfip ingerlanneqarnera aserfallatsaaliorneqarneralu kommunalbestyrelsip tigussavaa.

§ 20. Kuuffeqarfinnik sanaartornermut taakkulu kuuffeqarfinnut pingarnernut attavilerneqarnerinut aningaaasartuutit illut ataasiakkaat piginnittuisa akilissallugit pisussaaffigaat.

Imm. 2. Kuuffeqarfinnut ikkuffiit ingerlanneqarneri aserfallatsaalineqarnerilu illumik piginnittup akisussaaffigai.

Imm. 3. Kuuffeqarfinnut ikkuffiit pisortat kuuffeqarfutaasa ingerlanneqarnerisa isumannaassusaannut ulorianartorsiortitsisinnaasut kommunalbestyrelsip paasiguniuk, peqqussutit malillugit iluarseqqusilluni kommunalbestyrelsi piumasaqarsinnaavoq.

Piffissarititaasoq malinneqanngippat kommunalbestyrelsi nammineerluni piginnittup akiligaanik peqqussutit malillugit aqqusersuutinik iluarsiisinnaavoq.

Kapitali 7.

Pisortat aqqusiniutaannik atuisinnaaneq

§ 21. Kommunalbestyrelsi akuersiteeqqaarnagu illunit imaluunniit nunaminertanit killilikkaniiit qamutinut assakaasulinnut taamatullu pisuinnarnut aqqusinernik pisortat aqqusiniutaannut attaviliisoqaaqquaanngilaq.

Imm. 2. Aqqusinernik nutaanik sanaartornermi imaluunniit aqqusinernik pioreersunik allanngortiterinermi illunit imaluunniit nunaminertanit killilikkaniiit aqqusinermut attaviliinissami qanoq annertutigisup attavilerneqarnissaa kommunalbestyrelsip aalajangissavaa. Allanngortiterinermi illup imaluunniit nunaminertap atuisinnaatitaaffiusup pisortat aqqusiniutaanut attavilerneqarsimanera kipitinneqassappat, aqqusinermut attaviliinissamut pisariaqartinneqartumik allamik atuutsitsisoqalernissaa kommunalbestyrelsip quлакиissavaa.

§ 22. Pisortat aqqusiniutaasa nunaminertartaanni, tassunga ilanngullugu nunaminertani aputaajaanermi apummik katersuiffiusuni, kommunalbestyrelsi akuersiteeqqaarnagu eqqakkanik, atortorissaarutinik, atortunik, quinik, quinik assakaasulinnik, qamutinik motoorilinnik nalunaarsuinermut normoqanngitsunik, qamuteralannik, pisiniarfeeqqanik, allagartanik, pigisanik peerneqarsinnaasunik assigisaannilluunniit ataavartumik utaqqiisaagallartumilluunniit inissiisoqaaqquaanngilaq.

Imm. 2. Akuersissummik peqqaarani pigisanik il.il. imm. 1-imti taaneqartunik inissiisimasoq, peqqullugit peqqusummik naamassinninngippat, kommunalbestyrelsi pisinnaatitaavoq pineqartup akiligaanik pigisat inissinneqarsimasut piissallugit. Inissinneqarsimasut angallannermut ajoqtaappata, kommunalbestyrelsi pisariaqartillugulu politiit pisinnaatitaapput, siumoortumik ilisimatseqqaaratik pigisat pineqartup akiligaanik piissallugit.

§ 23. Pisortat aqqusiniutaanni nunaminertani kommunalbestyrelsi akuersissuteeqqaartinnagu allannguisoqassanngilaq, taakkununnga ilaapput assaaneq imaluunniit qajannaarsuutinik ikkussuineq, taamatullu aqqusernit nunaminertartaannut qanittuni aqqusernit imaluunniit aqqusernit nalunaarsornerinik, uinganerit qalliutaanik il.il. ajoqusiiffiusumik assaasoqassanngilaq, qaartiterisoqassanngilaq allanilluunniit suliaqartoqassanngilaq.

Kapitali 8.

Maalaaruteqarnissamut aalajangersakkat

§ 24. Pissutsit Inatsisartut inatsaanni matumani pineqartut pillugit kommunalbestyrelsip aalajangiineri, apeqqutinut inatsisinik tunngaveqartunut tunngatillugu Naalakkersuisunut maalaarutigineqarsinnaapput.

Imm. 2. Kommunalbestyrelsip aalajangiineri allaffissornikkut oqartussaasunut allanut maalaarutigineqarsinnaanngillat. Naalakkersuisut imm. 1 naapertorlugu aalajangiineri allaffissornikkut oqartussaasunut allanut maalaarutigineqarsinnaanngillat.

Imm. 3. Kommunalbestyrelsip aalajangiineri kimilluunniit suliamat peqataasumit maalaarutigineqarsinnaapput.

§ 25. Ullormit kommunalbestyrelsip aalajangiinerata nalunaarutigineqarfianiit sapaatit akunneri sisamat maalaaruteqarnissamut piffissaritinneqarput. Aalajangiinernut pisortatigoortumik nalunaaruteqarfiusunut maalaaruteqarnissamut piffissarititaasoq ullormit saqqummiussiffiusumiit aallartittarpooq.

Imm. 2. Aalajangiinerit maalaarutigineqarsinnaasut oqartussaasut arlaannut maalaaruteqarsinnaanermut aamma maalaarutip tunniunneqarnissaanut piffissarititaasumut paasissutissanik imaqassapput.

Imm. 3. Aalajangineq pillugu maalaaruteqarneq kinguartitsinermik sunniuteqassanngilaq. Taamaattorli maalaaruteqarneq kinguartitsinermik sunniuteqassasoq, maalaaruteqarnermut oqartussaasoq aalajangiisinnavaoq.

§ 26. Aalajangiinerit Inatsisartut inatsisaat manna imaluunniit Inatsisartut inatsisaat naapertorlugu peqqussusiaasut naapertorlugit allaffeqarfimmit aalajangerneqartut pillugit eqartuussivitsigoortinneqassappata, ullormit aalajangiinerup pineqartumut nalunaarutigineqarneraniit qaammatit arfinillit qaangiutsinnagit suliakkiissutigineqassapput.

Kapitali 9. *Atuutilerfissaa il.il.*

§ 27. Inatsisartut inatsisaat manna 1. januar 2011-mi atuutilissaaq.

Imm. 2. Tamatumunnga peqatigitillugu atorunnaarsinneqarput:

- 1) ”Kalaallit Nunaanni kuuffilersuisarnermut maleruagassat”, GTO-p kaajallaasitaa nr. 11.019, 3. september 1970-imeersoq.
- 2) ”Kalaallit Nunaanni kuuffilersuisarnermut maleruagassat”, GTO-p kaajallaasitassaatut siunnersuut, 2. februar 1982-imeersoq.

Imm. 3. Sanaartorfissagissaanermut akiliisarneq akiliutillu agguardeqartarnerat pillugu aalajangersakkat, kommunimi aamma sumiiffimmut pilersaarutini, Inatsisartut inatsisaata matuma atuutilernissaa sioqqullugu nalunaarutigineqarsimasuni atuuttuni aalajangersarneqarsimasut atorunnaarsinneqarnissamik, iluarsineqarnissamik imaluunniit kommunimut pilersaarutinik nutaanik taarserneqarnissamik tungaanut atuutiinassapput.

Imm. 4. ”1. januar 1998 aallarnerfigalugu Sanaartorfissagissaanermut suliassat isumagisassallu qanoq agguataarneqartalernissaannik isumaqtigiiissut” KANUKOKA-p aamma Namminersornerullutik Oqartussat akornanni ulloq 15. oktober 1997 isumaqtigiiissutigineqartoq, atorunnaarsinneqarnissami tungaanut imaluunniit isumaqtigiiissuteqartunit allanngortinneqarnissami tungaanut, atuutiinnassaaq.

Namminersorlutik Oqartussat, ulloq xx. xxxx 2010

Kuupik Kleist

/

Jens B. Frederiksen